

MIGUEL IGLESIAS MARTÍNEZ, secretario xeral da Deputación Provincial da Coruña.

CERTIFICA: Que o PLENO DA CORPORACIÓN da Deputación Provincial de A Coruña, na sesión ordinaria celebrada o 22 de decembro de 2025, adoptou o seguinte acordo:

14. Aprobación do texto e da formalización do convenio de cooperación entre a Excelentísima Deputación Provincial da Coruña e a Dirección Xeral da Garda Civil polo que se instrumenta unha subvención nominativa para cofinanciar as obras de rehabilitación no acuartelamento da Garda Civil de Betanzos.

1º.- Levantar o reparo interposto pola Intervención Provincial na tramitación do expediente de aprobación dun convenio de cooperación entre a Excm. Deputación provincial da Coruña e a **Dirección Xeral da Garda Civil polo que se instrumenta unha subvención nominativa** para cofinanciar as **obras de rehabilitación no acuartelamento da Garda Civil de Betanzos**, e instar a que o mesmo siga os trámites oportunos para proceder á súa aprobación e formalización.

2º.- Exceptuar para o presente convenio os principios de concorrencia, publicidade, igualdade e non discriminación na tramitación do presente expediente, dada la existencia de causas excepcionais que xustifican a concesión da subvención nominativa, por entender que se dan as razóns de interese público no outorgamento da subvención. Estes principios atópanse recollidos nos artigos 22.2 LXS e 65-67 do seu Regulamento.

3º.- Aprobar o texto e a formalización do convenio de cooperación entre a Excelentísima Deputación Provincial da Coruña e a Dirección Xeral da Garda Civil polo que se instrumenta unha subvención nominativa para cofinanciar as obras de rehabilitación no acuartelamento da Garda Civil de Betanzos cunha achega provincial de 325.635,95 euros con cargo á aplicación orzamentaria 0112/1321/650 o que representa un coeficiente de financiamento do 100,00 % respecto dun orzamento de 325.635,95 euros.

4º.- Condicionar o convenio á existencia de crédito adecuado e suficiente e ao cumprimento dos obxectivos de estabilidade orzamentaria, no próximo exercicio orzamentario, de acordo coa normativa vixente no momento.

ANEXO

CONVENIO DE COOPERACIÓN ENTRE A EXCELENTÍSIMA DEPUTACIÓN PROVINCIAL DA CORUÑA E A DIRECCIÓN XERAL DA GARDA CIVIL PARA O FINANCIAMENTO DA OBRA DENOMINADA REHABILITACIÓN NO ACUARTELAMENTO DA GARDA CIVIL DE BETANZOS.

Na Coruña, a _____

INTERVEÑEN

Dunha parte, a Deputación Provincial da Coruña con NIF , representada polo seu Presidente, D. _____(ou deputado/a no que delegue), (No caso de signatura electrónica engadirase: identificado mediante o correspondente certificado de firma electrónica) asistido polo Secretario Xeral, D. _____(ou quen legalmente lle substitúa) representante da Excelentísima Deputación Provincial da Coruña (No caso de signatura electrónica engadirase: identificado mediante o correspondente certificado de firma electrónica), en exercicio das funcións reservadas previstas no artigo 3.2 i) do Real Decreto 128/2018, do 16 de marzo, polo que se regula o réxime xurídico dos funcionarios de Administración Local con habilitación de carácter nacional.

E doutra parte, a Dirección Xeral da Garda Civil, con CIF S2816003D , representado polo seu Alcalde/sa /Presidente D. _____(ou concelleiro, concelleira ou persoa en quen delegue), segundo se acredita mediante certificación da Secretaría do Concello/ Entidade. (**en adiante ENTIDADE BENEFICIARIA**) (No caso de sinatura electrónica engadirase: identificado mediante o correspondente certificado de firma electrónica)

Interveñen cada un deles, en nome e representación da entidade respectiva e recoñécense mutuamente a capacidade legal necesaria para a sinatura do presente convenio a tal efecto,

ANTECEDENTES

A solicitude da presente subvención foi aprobada por Acordo da **Dirección Xeral da Garda Civil**, no que se valora o impacto económico do obxecto do convenio nos seguintes termos:

“... Algunos acuartelamientos de la Guardia Civil en esta provincia requieren actuaciones de mejora, en especial en espacios destinados a la atención de los ciudadanos, con el fin de que presenten un aspecto agradable que genere, además,

una sensación de proximidad y modernidad que haga que el trato con el ciudadano resulte más acogedor y relajado para el mismo, mejorando, al mismo tiempo, las condiciones de trabajo del personal propio.

La cantidad a las que asciende esta obra, sobrepasa la disponibilidad presupuestaria de que dispone la Comandancia de la Guardia Civil de A Coruña a estos fines, así como la capacidad de gestión de créditos otorgada a quien suscribe.

...

En este sentido, citar el acuartelamiento del Puesto de la Guardia Civil de Betanzos, presenta graves problemas de humedades y filtraciones de agua en varias de sus dependencias debido, por un lado, al mal estado del tejado en toda su extensión y, por otro, a deficiencias constructivas en los sótanos del edificio. El cierre perimetral del acuartelamiento se encuentra en mal estado y conviene también mejorar la accesibilidad al recinto, en especial para personas con movilidad reducida

...

La modernización de las instalaciones oficiales de la Guardia Civil de Betanzos permitirá ofrecer a los ciudadanos que las utilicen una atención directa, personalizada y de proximidad en unas dependencias que les resulten dignas, acogedoras y eficientes que redundan en la prestación de un servicio de mayor calidad en su beneficio, mejorando además las condiciones de vida y trabajo del personal de dicho Cuerpo. Todo ello contribuye a garantizar el libre ejercicio de los derechos de los ciudadanos y su seguridad, prestándoles un servicio de interés público de primer orden, al que se añade también el interés social y económico que se deriva de la permanencia de las instalaciones policiales de la Guardia Civil en los pueblos de la provincia, contribuyendo a la fijación de población y a la lucha contra la España vaciada.

El acuartelamiento del Puesto de la Guardia Civil de Betanzos, que presta servicio a 13 Ayuntamientos en un ámbito territorial de 677,27 Km², atendiendo a una población que ronda los 68.000 habitantes..."

A concesión da subvención foi aprobada por Acordo do Pleno da Deputación celebrado o

COMPETENCIAS DAS ADMINISTRACIÓNS ACTUANTES

A ENTIDADE BENEFICIARIA, de conformidade coa **Ley Orgánica 4/2015, do 30 de marzo, de Seguridade Cidadá** ten por obxeto:

“...Artículo 1. Objeto.

- 1. La seguridad ciudadana es un requisito indispensable para el pleno ejercicio de los derechos fundamentales y las libertades públicas, y su salvaguarda, como bien jurídico de carácter colectivo, es función del Estado, con sujeción a la Constitución y a las Leyes.*
- 2. Esta Ley tiene por objeto la regulación de un conjunto plural y diversificado de actuaciones*

**RPT-6654259

de distinta natureza orientadas a la tutela de la seguridad ciudadana, mediante la protección de personas y bienes y el mantenimiento de la tranquilidad de los ciudadanos.

Pola súa banda, consonte ao previsto no artigo 31.2 da Lei 7/85 e 101.2 da referida Lei 5/1997, a Deputación, como órgano de goberno e administración da Provincia, compételle asegurar a prestación integral e axeitada en todo o territorio provincial dos servizos de competencia municipal, así como a cooperación no fomento no desenvolvemento económico e social e a planificación do territorio provincial (art.36.1, letra d).

MANIFESTAN

Que o **ENTIDADE** e a **DEPUTACIÓN** teñen interese coincidente na execución das obras obxecto deste convenio, polo que ambas as dúas

ACORDAN

Formalizar o presente CONVENIO DE COOPERACIÓN conforme ás seguintes cláusulas:

I.- OBXECTO

O presente convenio de cooperación ten por obxecto establecer as bases de cooperación entre a Deputación da Coruña e a **Dirección Xeral da Garda Civil** con CIF S2816003D, para o financiamento da obra denominada “**rehabilitación no acuartelamento da Garda Civil de Betanzos**”, tal e como aparece definida no proxecto técnico redactado por Naos Arquitectura, en febreiro de 2023.

1.- A **ENTIDADE BENEFICIARIA**, na súa condición de promotor da obra, achega ao expediente un exemplar do proxecto, a certificación da súa aprobación polo órgano competente, así como a certificación de que conta e coa dispoñibilidade dos terreos necesarios para a súa execución.

Dito proxecto foi supervisado polos Servizos Técnicos da Deputación e conta con informe favorable.

2- A obra está perfectamente definida nos planos de conxunto e de detalle e en todos os documentos que incorpora o proxecto, tal e como esixe o artigo 233 da Lei 9/2017, de 8 de novembro, de Contratos do Sector Público e a normativa de desenvolvemento, coa manifestación expresa realizada pola persoa redactora de que é unha obra completa ou unha fase susceptible de utilización ou aproveitamento separado. Xa que logo, unha vez rematada a obra, a **ENTIDADE BENEFICIARIA** comprométese a destinala ao uso público para o que está prevista a lo menos polo prazo de dez anos.

II. CONTRATACIÓN DAS OBRAS

A Deputación Provincial, unha vez obtidas todas as autorizacións e licenzas precisas e aprobado polo órgano competente e formalizado o presente convenio, contratará, mediante

procedemento aberto e con arranxo aos seus pregos tipo, a execución das obras incluídas no proxecto, á fin de que a súa execución se realice de maneira coordinada e así optimizar custos, simplificar a súa execución e reducir tempos de execución.

Correspóndelle obter as correspondentes autorizacións e licenzas e os posibles custes de taxas e/ou impostos á Deputación Provincial.

III.- ORZAMENTO DE EXECUCIÓN DAS OBRAS.

O orzamento de contrata da obra, segundo o proxecto técnico ao que se fai referencia na cláusula anterior, desagregase co seguinte detalle:

Orzamento Execución Material	217.931,92 euros
Gastos xerais 13,00%	28.331,15 euros
Beneficio Industrial 6,00 %	13.075,92 euros
IVE (21%)	54.461,19 euros
ORZAMENTO DE LICITACIÓN	313.800,17 euros

Orzamento de control de calidade	2.179,32 €
----------------------------------	-------------------

Orzamento de coordinación de seguridade e saúde	1.089,66 €
---	-------------------

Orzamento de dirección de obra	8.566,80 €
--------------------------------	-------------------

O total dos orzamentos suman **325.635,95 euros (IVE incluído)**

IV.- DIRECCIÓN DAS OBRAS. CONTROL DE CALIDADE. COORDINACIÓN DE SEGURIDADE E SAÚDE.

1. A **dirección das obras** realizarase por persoal externo aos servizos técnicos da Deputación asumindo os gastos que diso se deriven.

As obras recollidas no proxecto de referencia non teñen carácter de “obras de edificación” a efectos de aplicación da Lei 38/1999, do 5 de novembro, de Ordenación da Edificación, polo que a dirección de obra pode estar composta por un único técnico coa titulación de arquitecto ou arquitecto técnico.

Tomando como referencia as tarifas aplicadas aos servizos prestados pola Sociedade Estatal de Xestión Inmobiliaria do Patrimonio, S.A. (SEGIPSA), considérase adecuado establecer os honorarios da dirección da obra en 7.080,00 € mais o IVE correspondente (3,25% do orzamento de execución material do proxecto.)

Orzamento de dirección de obra	8.566,80 €
--------------------------------	-------------------

2. A Deputación levará a cabo o **control de calidade** mediante medios externos. O importe estimado correspondente ao control de calidade será do 1% do orzamento de execución material, xa que se considera adecuado en relación aos ensaios previstos no Plan do control e calidade do proxecto e aos prezos do contrato de servizos asinados entre esta Deputación e a empresa CYE Control y Estudios S.L., polo que ascendería a 2.179,32 € IVE incluído.

Orzamento de control de calidade	2.179,32 €
----------------------------------	-------------------

3. A Deputación poderá levar a cabo, mediante servizos externos, a **coordinación de seguridade e saúde**.

Tendo en conta que Betanzos está na zona B, a porcentaxe sobre o PEM ofertado pola empresa adxudicataria do contrato de servizos de asistencia para a coordinación da seguridade e saúde das obras que contrate a Deputación na zona B, Atenea Seguridad y Medio Ambiente, S.A.U., é do 0,50%, polo que o importe deste servizo ascendería a **1.089,66 €** (0,50% de 217.931,92 €) IVE incluído.

Orzamento de coordinación de seguridade e saúde	1.089,66 €
---	-------------------

V.- MODIFICACIÓNS NO PROXECTO DE OBRA

1. No caso de que durante a execución das obras de referencia sexa necesario modificar o proxecto, este requirirá a aprobación da Deputación Provincial da Coruña.

2. Calquera incremento derivado de modificacións relativas ás obras deberá ser valorado no seu momento e acreditar previamente a existencia de crédito adecuado e suficiente na aplicación orzamentaria 0112/1321/650.

VI.- FINANCIAMENTO

1. A Deputación da Coruña sufragará as obras tal como se define na cláusula primeira, cunha achega máxima de **313.800,17 euros**, o **100,00 %** do seu custe, con cargo á aplicación orzamentaria **0112/1321/650**.

2. A Deputación da Coruña sufragará os custes da coordinación de seguridade e saúde, os custes do control de calidade e os custes da dirección de obras, que ascenden a **11.835,78 euros** se imputarán á aplicación **0112/1321/650**.

3. Calquera incremento derivado das modificacións, liquidacións ou por calquera outro concepto, será aboado pola Deputación.

VII.- PAGO

1. A Deputación aboará á contratista adxudicataria da obra, o prezo do contrato a medida que se vaian expedindo e aprobando as correspondentes certificacións de obras, acompañadas das respectivas facturas, conforme ao establecido no Prego de Cláusulas Administrativas Particulares para a adxudicación das obras mediante procedemento aberto da Deputación.

Igualmente, a Deputación aboará aos adxudicatarios dos contratos de coordinación de seguridade e saúde, control de calidade e dirección de obra, no seu caso, os prezos dos ditos servizos na forma establecida nos correspondentes expedientes de contratación.

VIII. POSTA A DISPOSICIÓN DO INMOBLE

A Garda Civil de Betanzos pon a disposición da Deputación o inmovible a fin de que poidan executarse as obras incluídas no proxecto de reforma.

IX.- ACTA DE RECEPCIÓN

1. Notificarase á Dirección Xeral da Garda Civil, coa debida antelación, a data de formalización do acta de recepción das obras, para que asista, se o considera conveniente, un técnico designado pola Dirección Xeral.

X.- ACTA DE ENTREGA

1. A Deputación Provincial, unha vez formalizada a acta de recepción da obra, entregará á Dirección Xeral da Garda Civil as citadas obras para a súa adscrición aos servizos correspondentes, a cuxos efectos **formalizarse a correspondente acta de entrega**. A partir de dita entrega a Dirección Xeral da Garda Civil farase cargo dos gastos de conservación e mantemento das citadas obras e instalacións.

2. A Garda Civil comprométese a que o inmovible sobre o que se realizarán as obras quedará afecto á finalidade pública actual para a que se concede a subvención, por un prazo mínimo de 10 anos.

XI.- CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN.

1. A **ENTIDADE BENEFICIARIA** deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Axencia Tributaria, coa Seguridade Social e con esta Deputación .

2. A tal efecto, a **ENTIDADE BENEFICIARIA** presentará as certificacións das administracións tributarias correspondentes e da Tesourería da Seguridade Social nas que se acredite que a entidade está ao corrente nas súas obrigas tributarias e coa Seguridade Social.

3. Poderá omitirse a presentación desta documentación sempre que autorice expresamente á Deputación a realizar as consultas tributarias e non se opoña á consulta de datos da Seguridade Social . Neste caso, a acreditación do cumprimento das obrigas tributarias coa Deputación Provincial determinarase de oficio por esta.

XII.- INCORPORACIÓN AO REXISTRO PÚBLICO DE SUBVENCÍONS E PUBLICACIÓN DA SUBVENCIÓN CONCEDIDA.

1. No cumprimento do disposto no artigo 20 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da **ENTIDADE BENEFICIARIA** serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 3/2018, de 13 de decembro, de protección de datos persoais e garantía dos dereitos dixitais.
2. Segundo o previsto no artigo 18 da Lei 38/2003, de 17 de novembro, Xeral de subvencións, e no artigo 8 da Lei 19/2013, de 9 de decembro, de transparencia, acceso a información pública e bo goberno, a concesión da subvención ao A **ENTIDADE BENEFICIARIA** será publicada no portal de transparencia da sede electrónica da Deputación da Coruña.
3. Un exemplar deste convenio, debidamente asinado, será incorporado ao Rexistro de convenios que depende da Secretaría Provincial, xestionado polo Servizo de Contratación da Deputación.

XIII.- COMISIÓN DE SEGUIMIENTO

Poderase constituír unha comisión de seguimento formada por catro vogais, a razón de dous membros por cada unha das Administracións públicas asinantes do presente convenio, designados polos seus respectivos Presidente e titular da Dirección, ao obxecto de coordinar as actuacións derivadas do presente convenio.

XIV.- VIXENCIA

1. O presente Convenio terá vixencia dende a data da súa sinatura ata a finalización das obras e a formalización da acta de entrega da obra á Dirección Xeral da Garda Civil, e en todo caso, **ata o 31 de outubro de 2027**.
2. Non obstante, dito prazo poderá prorrogarse por causas xustificadas e en especial tendo en conta o prazo de execución da obra. Todo isto condicionado á existencia de crédito adecuado e suficiente no exercicio orzamentario correspondente.
3. Calquera modificación no contido deste convenio, requirirá acordo entre a Deputación Provincial da Coruña e a Dirección Xeral da Garda Civil e tramitarse a través dunha addenda ao convenio.

XV.- NATUREZA, INTERPRETACIÓN E XURISDICIÓN COMPETENTE.

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei

38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia e na Ordenanza xeral de Subvencións e Transferencias da Deputación. Supletoriamente aplicárase a lexislación de contratos do sector público.

2. Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

E para que así conste e en proba de conformidade por ambas partes, asínase (No caso de sinatura electrónica engadirase: electronicamente) o presente convenio, dando fe de todo elo o Secretario xeral (*ou quen legalmente lle substitúa*)

E para que conste e sen prexuízo dos termos da aprobación da acta, segundo o disposto no artigo 206 do Regulamento de organización, funcionamento e réxime xurídico das Corporacións locais, expido a presente de orde e co visto e prace do Sr. Presidente na Coruña.

O secretario xeral: Miguel Iglesias Martínez (asinado dixitalmente)

O presidente: Valentín González Formoso (asinado dixitalmente)